

吳會英才集卷五

武進黃景仁仲則

黃少尹風儀俊爽秀冠江東初依竹君學使公燕太

白樓援筆成詩時有神仙之望自遊京邑聲譽益華

卒以不自檢束憔悴支離淪於丞倅高才無貴士悲

夫曩以薄游關中綢繆觴咏才賢並集實謂勝游踰

年客死安邑人傳其過平遙絕句云疑是晉卿靈未

題畫 吳會英才集卷五

題畫

淙淙獨鳴澗矯矯孤生松半夜未歸鶴一聲何寺鐘此時

彈絲綺明月正中峯髣髴逢僧處春山第幾重

吳會英才集卷五

觀潮行

客有不樂游廣陵臥看八月秋濤興偉哉造物此巨觀海

水直挾心飛騰溟溟萬萬風未屆對此茫茫八埏隘才見

銀山動地來已將赤岸浮天外碎巖礎岳萬穴號雌吐雄

吟六節播豈其乾坤果呼吸乃與晦朔爲盈消殷天怒爲

排山入轉眼西追日輪及一信將無渤澥空再來或恐鴻

濛濕唱歌踏浪輪吳儂曾齋何物邀海童蒼言三千水犀

弩至今猶敢攫其鋒我思此語等兒戲員也英靈實南避

只合回頭撼越山那因決目仇吳地吳顛越蹶會幾時前

胥後種誰見知潮生潮落自終古我欲停杯一問之

後觀潮行

兩當軒詩

海風捲盡江頭葉沙岸千人萬人立怪底山川忽變容又
報天邊海潮入鷗飛艇亂行雲停江亦作勢如相迎鵝毛
一白尙天際傾耳已是風霆聲江流不合幾回折欲折濤
頭如折鐵一折平添百丈飛浩浩長空舞晴雪星馳電激
望已遙江塘十里隨低高此時萬戶同屏息想見窗櫺齊
動搖潮頭障天天亦算蒼茫卻望潮來處前陣纔平羅刹
磯後來又沒西興樹獨客弔影行自愁大地與身同一浮
乘槎未許到星闕採藥何年傍祖洲賦罷觀湖長太息我
尙輸潮歸卽得回首重城鼓角哀半空純作魚龍色
道旁廢園

何人行樂處零落見陂池草竟長於我花遣開向誰盛時

來已晚過客見同悲問訊樵蘇者模糊半不知

新月

開簾延暝色涼月已如鈎頓使碧天遠平含萬里愁軟鐘
林外寺薄霧水西樓悵好幽人夢依依不可留

十四夜京口舟次送別張大春帆歸揚州

談經說劍氣縱橫畫舫銀燈黯別情春水將生君速去此
江東下我西行蕪城鶴送三更喚京口潮添五夜聲後夜
相思同皓月君家偏占二分明

夜坐懷曹以南

回風飄飄捲庭綠南枝啼鳥北枝續林深屋古蕭無人遊
子傍徨坐中宿我所思兮隔雲岑十年久斷瑤華音山中

見月尙相憶夜長漫漫惟素心
登翠螺山偕顧文子

茲山可遊無暇日三五今始同招攜草間得路至絕壁天
半有風吹客衣六朝重鎮一巨石九派急溜當巉磯江山
我輩不相識好放硬筆懸崖題

八月十六夜登景陽閣
內橋東去冷城西傑閣崢嶸望眼迷只欲化烟山黯黯每
於對月客淒淒半城簫管吹雲淨平野星河壓戍低節物
漸移燈火亂更無殘夢到金闈

旅夜

天高野曠蕭孤清落木蕭蕭旅夢驚病馬依人同失路冷

蟬似我只吞聲荒城月出夜逾悄小閣燈殘水忽明一臥

滄江時節改深杯柏葉爲誰傾

笥河先生偕宴太白樓醉中作歌

紅霞一片海上來照我樓上華筵開傾觴綠酒忽復盡樓
中謫仙安在哉謫仙之樓樓百尺樓中節使文章伯風流
髣髴樓中人千一百年來此客是日江上同雲開天門淡
掃雙蛾眉江從慈母磯邊轉潮到然犀亭下回青山對面
客起舞彼此青蓮一坏土若論七尺歸蓬蒿此樓作客山

是主若論醉月來江濱此樓作主山作賓長星動播若無
色未必常作人間魂身後蒼涼盡如此俯仰悲歌亦徒爾
杯底空餘今古愁眼前忽盡東南美高會題詩最上頭姓

名未死重山邱請將詩卷擲江水定不與江東向流

虞忠肅祠

羶帳如雲甲光黑飲馬完顏至江北六州連棄兩淮墟半
壁江東死灰色雍公倉卒來犒師零星三五殘兵隨勤王
一呼草間集督軍不來來亦遲萬八千人同一泣卓然大
陣如山立海陵走死賊臣誅順昌以來無此捷降旗砍倒
十丈長六飛安穩迴建康此時長驅有八可以笏畫地言
琅琅不可與言言不必寫復中原豈今日五路烽烟百戰
平三巴門戶崇朝失卽今青史尙餘悲卽今戰處留荒祠
寒蘆半沒楊林口白浪猶衝采石磯江淮制置亦人傑下
流觀望何無策再造居然賴此人不是儒生敢輕敵肅爽

吳實英才集卷五

四

鬚眉一代雄誰令遺骨老蠶叢招魂縱有歸來日應在吳

山第一峯

宿黃山下農家夜起偶成

少日嵇康只厭煩每從塵鞴戀仰樊三間茅屋終吾事一
片嶺雲聞此言夜靜方知山月正心空不礙海潮喧此間
卜築真幽絕何處林泉非故園

春日客感

只有鄉心落雁前更無佳興慰華年人間別是消魂事客
裏春非望遠天久病花辰常聽雨獨行草路自生烟耳邊
隱隱清江漲多少歸人下水船

春暮

江南三月雨零此千花色啼鶯勸人歸啼鶯復留客歸
不得歸留亦安可留閒雲及江水浩蕩相與愁春風吹百
草草深没行路草青客南州草枯在何處人生盡如寄不
如沙上禽更聽隔溪管能傷日暮心

新安與洪稚存

昔臥碧溪月日對天都雲芳樽獨傾倒捩腕無夫君哀猿
與落狖一一悲離羣轉徙四五年此間忽攜手名山對故
人問我開懷否甫見藤蘿花今來蔭溪路溪邊一片石我
坐思君處相思亦云切相見幸勿踈且有向平約百年方
及初本非將無直欲式極人家半發白惠嵐翠間
山鏗小不飲登又念里未嘗非登因對山水美山非

吳會英才集卷五

五

自離小溪來趨塗又念里未覺我行疾因悅山水美山非
極高水非深無一直處方耐尋人家半透白雲鳩嵐翠間
染桃花林是時春殘夏將續百舌聲枯雨鳩逐逐不知身入
濃陰間但覺逢人鬢鬚綠畫圖此景見亦無那得便徒全
家居桑麻底用思杜曲雞犬或恐猶秦餘傳聞此鄉人十
有九作賈溪山如此不思歸覓得錢刀亦何補沙邊少婦
來浣衣穉子自守林間扉小橋道我入邨去飽飯再逐溪
雲飛

余忠宣祠

至正國步何倉皇將軍許國軀堂堂生爲孝寬易耳一
死直是張睢陽妖星十丈橫軫翼兩淮東西已歸賊龍舒

重鎮實彈丸賊畏將軍至傾國裹瘡前後數十戰漸見全城氣皆墨蜂屯蟻聚當平明巷戰殺賊揮短兵賊酋大呼宜得生生當官汝付汝城將軍戟手指賊語死爲厲鬼當殺汝青萍三尺水一泓去此一步無死所將軍已死狗合門紛紛部呼其羣曰余將軍死死君我輩何忍孤將軍從而死者千餘人此千人者驅可戰寧死相從不生叛生得死力死得心將軍才大空古今用之乃副宣慰使國是披猖可知矣斗大城猶守六年百戰身經中三矢真人濠濮提劍來掃清六合浮雲開崇祠遣祭議隆諡碧血靜掩蓬蒿堆靈風何事尙舍怒應爲堦前老臣素嗚呼元亡尙有人盡如將軍元可存嗚呼安得如將軍

卽目

遙程無計可停軒暮景蒼蒼野色繁破廟半將茅補屋秋墳多挿紙爲幃似曾見影人投磧略不聞聲鳥下原今夕定知何處宿暝天漠漠對忘言

舟中

一沙介枉渚阻此疾帆勢拳鷺不畏人舟行自相避已忘

身坐空但若波轉地高桅絡霞彩長袂盈水氣頰流如湘流清絕渺迤邐去心一何長古懷曠難寄上流飲牛人或

可明吾志

橫江春詞

門外晴洲香草香澆紗生小愛春陽柳絲幾尺花千片

得春江爾許長

初春

未覺氈爐煖旋懷柏酒新池臺平入夜原野渺思春物外
欣然意風前現在身中宵感幽夢冰雪尙磷响

秋夜曲

蟋蟀啼堦葉飄井秋月還來照人影錦衾羅帷愁夜長翠
帶瘦斷雙妃央幽蘭裊露露珠白零落花香葬花骨秋深
夜冷誰相憐知君此時眠未眠

雨後湖泛

風起水參差舟輕去轉遲一湖新雨後萬樹欲烟時有客
倚蘭楫何人唱竹枝蓮娃歸去盡極浦剩相思

春日樓望

一碧招魂水漲津遠山濃抹霧如塵忽風忽雨春愁客乍
暖乍寒天病人芳草遠粘孤騎沒綠楊低罩幾家貧天涯
飛絮歸何處不到登樓也愴神

錢塘舟次

羅刹磯頭落照陰鐵幢浦口夕波沉卸帆只憶吳淞岸擁
楫驚聞越客吟風雪衣單知歲晚江湖酒病與年深浮雲
欲別休回首千里蒼梧是去心

湘江夜泊

三十六灣水行人喚柁何楚天和夢遠湘月照愁多霜意
侵芳若風聲到女蘿烟中有漁父隱隱扣舷歌

題橘洲僧樓

拳裳涉芳洲澤國草萋碧
湘柳搖青春湘花照顏色
森森烟波獨倚樓楚天望斷
木蘭舟此間自古多離別
日莫江空我欲愁

宣城雜詩

興闌罷飛酌延眺北郭外
謝公送客處閒雲捲冠蓋
水入西江流山與淮南對
聚散成古今此意幾人會
日暮清吹來天空響遙籟
蕭人一登危亭外
雲影空臺柳聲
溪山信紛鬱文藻昔已滿
皆云內史賢結邀青霞伴
雙旌夾五馬玉簫兼象管
隨風睽清遊流韻皆咸瑄
如何逮我來音塵杳淒斷
青草一尺長下沒功曹館
秋蝶烟際飛宵螢雨餘散
感此行路歌促節不能緩

吳會英才集卷五

八

秋夜

絡緯啼歇踈梧桐露華一
白涼無邊纖雲微蕩月沉
海列宿亂搖風滿天誰人
一聲歌子夜尋聲宛轉空
臺榭聲長聲短雞續鳴曙
色冷光相激射今此意幾
人會日莫問知岳陽樓用
杜韻
此意幾人會日莫問知
獨客盡吳楚浩然登此樓
三巴平檻落七澤與身浮
寂寞金庭曲飄飄鄂渚舟
登臨無一事有淚不須流

晚泊九江尋琵琶亭故址

晨發黃州郭夕宿潯陽渡
沙平岸澗不見人瞥過千
重萬重樹潯陽渡口風蕭
蕭江州城外魚龍驕匡廬
作雲半江

黑削皎白浪如山高是時日落葭菼暗湓浦瑟瑟生寒鷗
一舟衝浪去杳杳獨雁帶雨來迢迢角聲振木木葉脫秋
聲漸高秋思發無言攬袖起徬徨却倚蘭橈望天末吳頭
楚尾烟冥冥獨立百感來無情江風吹面酒亦醒掣笛吼
作狂龍聲短衣踉蹌步沙瀨草間尋得琵琶亭崩堤毀岸
人跡絕狐狸踈嘯鼉鳴昔聞樂天此間夜送客琵琶聲
停江浸月擬向江山作主人却因商婦悲遷謫我亦天涯
有淚人對此茫茫慘無憚吁嗟乎淚亦不必落愁亦不必
愁君不見茫茫九派東向流千古萬古無時休我家乃在
東海頭西風滿意吹數日一笑可上吳淞舟蒹蘆蝦菜萬
事足安用江湖歎做裘

舟中望金陵

吳昌英才集卷五

九

片帆昨日下午吳頭破浪來看建業秋九派江聲猶入夢六
朝山色已迎舟樓臺未盡埋金氣風景難消擊楫愁回首
燕磯隨舵尾寄聲風利不能休

江上曉發

五更驚風起江靡布帆一峭百餘里海門日落烟冥冥兩
點金焦沒船尾舵樓吹笛誰家子吹白蘆花點江水江水
茫茫去不休蘆花如雪白人頭試看擊楫中流客何似烟
波一釣舟

當塗旅夜遣懷

去年霜落白蘋洲千山萬山木葉愁布帆吹我遊潭州今

年春江鳴頭色吳波不動楚天碧辭家作客來采石采石
磯邊雪浪飛謝公池畔春雲歸江山如此葬李自我若不
飲遭君嗤黃金欲盡花枝老鏡裏二毛空裊裊旅歌歌短
不能長月出女牆啼怪鳥

康王廟夜宿

殿角叫鴟梟門前沸海潮淒淒五更轉隱隱百靈朝野曠
秋衾薄風寒宿酒消百年羈旅夜生事太無聊

楚歌行

楚歌行 楚人雲中回首感精魂真如雲上鶴

琳琳琅琅洞開金房鏗鏗鏘鏘中調絲簧主人將罷直歸
從承明軒旌曷來兮出門望堂前翹足珠履客窗中卷衣
紅袖色起視府中府中屏息忽傳收者將到門金爐香焚
酒正溫羣奴倉皇客引起來時浮雲去時水

山行

邨雞鳴四野自策蹇驢東怪木常爭路長松獨受風樵歌
生澗底燒氣入雲中回首題詩驛真成雪上鴻

發蕪湖

風寒雨歇百半驛湖外生事太無聊

纔煮鳩茲市上魚微哦依舊上肩輿偶看芳草思名馬每
見青山想異書故戍按圖三戶後荒祠披版六朝餘野情
更畏勞蹤迫安得前峯便結廬

水西和稚存韻

冷盡芬林去餘棗一手空莫是孤燈照

白沙羅羅石齒齒涇溪溪水清且駛舒姑泉合麻川來印
文一折三百里此間水西天下稀複嶂重巖匝烟水水邊

古寺何陰森南齊永平構遺址殿腳插入玻璃光鐘磬
來翠微裏寺後一池名浴龍風光風光昔遊此老僧一定
垂百年鉢中蜿蜒背人起作帝何似棲禪佳博得長安一
杯耳大中事瑣不足論胡貶才人子溫子白龍且有豫且
困洩憤區區無乃鄙遺蹟空指烟霞間千秋未移雲物美
謝守題詩亦寂寥葛洪丹井荒荆枳神仙富貴兩茫茫惟
有活溪流不死

桃花潭

昔人已張錦帆行拋得澄潭澈底清偏是邨人能醉客非
關才士易言情抽刀斷水沅沅合蕩漿飛花的的明我有
新詩珍重久只無人送踏歌聲

客夜

空館綠苔閉步看珠斗斜移牀隨落月滅燭對孤花水調
鄰家笛雷音夢裏車離憂損年少頓袖一長嗟

山中見月

三更方見月身在亂峯中音樂鳥啼夜旃檀香布空塵心
雲縷滅人語谷聲通不寐尋幽去山深未可窮

隴頭行贈孫大之關中

隴坻之坂坂九回青天九折盤崔巍秦川萬里一回首歌
聲日暮肝腸摧何人作歌心斷絕遊子魂消古離別隴頭
水作東西流隴上人爲死生訣試問此情深幾許石上車
輪窪尺五人間何處無關山盡道無如此行苦折斷珊瑚

七寶鞭未曾回首只行前生來不解消魂別愧爾關西俠
少年
樓上對月
飄飄白袷當回風三五月照高樓空一城露瓦高下白幾
處已滅窗燈紅病怯臨窗倦憑几苦被鐘聲促人起樓頭
皓魄已天中郭外青山如夢裏濛濛薄霧蒼蒼烟山意亦
如人可憐一絲清氣共來往星辰自動高高天風景依稀
似前度此間恍是高寒處夜深誰念朗吟人願化遼東鶴
飛去

聞龔愛督從河南歸

不飲忽忽傾千觴朝聞故人還故鄉夢魂飛渡京口樹覺

吳會英才集卷五

三

來海月烟茫茫七年南北頻回首別後狂名滿人口結客
都從燕市多愛才旬落平原後昨夜聽雞函谷來衣裳紫
氣猶餘否洛陽縣裏花愁風銅駝陌頭荆棘叢知君懷古
意鬱勃乃使黃河一綫盤君胸緱山唳夜鶴少室聞清鐘
下視唐陵漢寢竟何物嗚呼此遊真足驕吳儂我行瓠落
無所惜歲歲年年去鄉國所媿平生拜母交阿蒙碌碌常
如昔北海空勞薦禰書仲宣未是依劉客太白樓頭不見
君謝公宅畔苦離羣欲邀紅燭三更話除借青山一片雲
我輩相望各蒼老萬事期君致身早不然痛飲酣青春坐
擁列鼎兼重茵哀絲激肉寫懷抱堂前醉倒三千賓出門
大笑忽萬里莫使醢雞笑殺人

花津

一燈伍昂向船久萬兀千搖至津口船頭正與沙堤平拂
面穆穆水楊柳風前魚鼓已報更岸上人家尚沽酒客來
小飲飲卽醺三兩依依話邨叟歸塗忽散草上螢顧影防
驚竹間狗時清喜無盜賊警波平未是蛟龍藪江湖是我
野興長鷗鳥於人宿緣厚沈吟露下那得眠獨倚篷窗數
星斗

富陽

曉天瞳瞳江漠漠估帆四開估客樂樟亭飲來酒未消已
在富春城下泊潮來直浸城根平城門晝開聞市聲人居
此間亦何好水色山光餐不了沙頭愁煞捕魚人捕得魚

多賣錢少

新安程孝子行

孝子名文元歛之洪坑人母疾刲左臂以療逾年復疾
孝子將割其右爲姊氏覺急掣止之相守侍疾不與以
便母竟卒孝子廬于墓三年歲時輒向墓號慟至今如
常嘉興鄭誠齋先生主講紫陽書院時孝子嘗從游先
生詳言之雖跡近愚孝然其愚不可及矣爰爲作歌

新安江水何粼粼我閒一歲來問津問我何數數愛其地
氣盤礴人風古淳山高澤深土膏厚宜產獨行君子先天
民六年往復卒未見匪不可見難乎真有程孝子洪坑人
是果以孝親其親行孤跡晦人罕道嘉禾夫子爲我言之

頻言其去歲來負笈見其戍削骨立如束薪顏色雖黯慘其中含古春經年共寢處曾不輕笑嘔退乃察其隱悲淚流盈巾問之不肖語却立常逡巡風吹衣露其肘有大如掌瘡癥新孝子不及掩窮叩乃得知其因生年十三五常如日初寅嘻戲父母側謂此若可終其身一朝父也天所奪搥胸慟絕呼蒼旻方知父母年瞬息皆堪珍回頭顧慈母夕若不保晨思父兮斷絕事母兮苦辛晝行不離側夜臥不沾席與茵積此垂數載母病牀吟呻孝子卒無計刲股可療聞之人是夕風雨急黑雲垂車輪抽刀暗室室生白搯肉多處揮如銀肉乎我母寄汝命快意一割無由齧作羹進母霍然起吾肉效矣他何論背人出瘡處隱隱

還鱗鱗是何靈異無所苦合處若有神針初無何母病忽大漸徹晝夜侍無欠伸俄然起四顧出屋行逡逡姊氏怪其狀偵至趨隨塵見其持刀袒臂向空祝側目視臂刀且掄急從後至反其臂責以戕體傷親神從茲形影不相失母亦奄逝當茲辰孝子長呼姊誤我一毀不復能支振三年廬墓如一日近淚赤土無荆榛林深地曠絕聞見皓鳥囀雀日久投懷馴至今歲時省墓輒號慟慟時四野愁霾屯我思孝子孝愚乃成其純世人薄天性勦說播其唇毀傷固有戒殺身亦成仁百無可冀冀一濟一髮尚欲回千鈞此時遑及引文義何者孝子何忠臣先生聞言亦領首命我縱筆爲敷陳自慚腕弱不能達賒願欲貢王爲寶景

星祥鳳出示世一挽末俗歸于醇不然刻君黃山三十六
峯頂坐使姓氏萬古同嶙峒古樂賦爽塏香館不辨嶺山
山館夜作齋中詩落風發快笑驚風也歐矩抵來自同
步虛聲寂散羣真夜色平鋪不動塵雲影自來還自去最
高山閣未眠人辨微非留悲坐待君建幾武思山川風景
城郭人民別想勞看來身世總秋毫此時萬戶應同夢上
有白烟低復高螢火星星照雨秋跡斷靜潭入天半下
長夜山窗面面開江湖前後思悠悠當窗試與然高燭要
看魚龍燐影來然有詩後卷第廿

十八夜

吳會英才集卷五
餘蘇奇韻未尚四夫生詩語

角聲風斷處月黑四林秋危坐忽消燭高吟欲震樓清頭
盤地轉海氣等身浮尚有越山色烟中相對愁

淮上夜發因憶壬辰之冬偕穉存隨朱笥河先生按部時
倏三載矣悵然有作并寄穉存

平沙渺渺煙蒼蒼長淮晚來沉鏡光舟行十里復五里一

鈞新月懸危檣楚火星明兩岸極浦清歌入天半七絃

罷彈觴不傾默聽離心倏零亂一半催成風水愁分明詎

出飄零怨我心棖觸非酒悲坐有往事勞沉思山川風景

了無異絕憶此流初汎時東山賓從南州客顧榮羽扇桓

伊笛前舫謹呼句落成後舟笑語風吹逼我舟李白同醉

眠我愧不及宗之年獻歌懷古樂相樂望者誰不稱神仙

只言好景堪把玩誰知過眼皆雲烟太息吾徒二三子半

脫芒鞋著珠履客路空追大小山離程已判東西水十年
湖海慙浮名再來跡比清淮清登艫依舊美清夜却對長
年訴愁話素志難隨橘袖移微軀不及鼃鼃化我欲招隱
山之幽多恐歲晏難爲留似拋雞犬未仙去管領別離無
限愁回頭却望聽歌處已失八公山上樹

綺懷

楚楚腰肢掌上輕得人憐處最分明千圍步障難藏豔百
合歲蕤不鎖情朱鳥窗前睂欲語紫姑乣畔目將成玉鈎
初放釵初墮第一銷魂是此聲

妙諳諧謔擅心靈不用千呼出畫屏斂袖搗成絃拉雜隔
窗摻碎鼓丁寧渝裙鬥草春多事六博彈棊夜未停記得

吳曹英才集卷五

六

酒闌人散後共拏珠箔數春星

旋旋長廊繡石苔顛提魚鑰記潛來闌前麝藉烏龍臥井
畔絲牽玉虎迴端正容成猶斂照消沉意可漸凝灰來從
花底春寒峭可借梨雲半枕偃

中表檀奴識面初第三橋畔記新居流黃看織回腸錦飛
白教臨弱腕書漫話私心緘荳蔻慣傳隱語笑芙蓉錦江
直在青天上盼斷流頭尺鯉魚

蟲孃門戶舊相望生小相憐各自傷書爲開頻愁脫粉衣
禁多浣更生香綠珠往日酬無價碧玉子今抱有郎絕憶
水晶簾下立手拋蟬翼助新粧

小極居然百媚生懶拋金葉罷調箏心疑棘刺針穿就淚

似桃花醋釀成會面生疎稀笑靨別筵珍重贈歌聲沈郎
莫歎腰圍減忍見青娥絕塞行

自送雲輶別玉容泥愁如夢未惺忪仙人北燭空凝盼太
歲東方已絕蹤檢點相思灰一寸拋離密約錦千重何須
更說蓬山遠一角屏山便不逢

輕搖絡索撼垂恩珠閣銀櫳望不疑梔子簾前輕擲處丁
香盒底暗攜時偷移鸚母情先覺穩睡鴉兒事未知贈到
中衣雙絹後可能重讀定情詩

中人蘭氣似微醺薌澤還疑枕上聞唾點著衣剛半指齒
痕切頸定三分辛勤青鳥空傳語佻巧鳴鳩浪策勲爲問
舊時裙衩上死灰應是未離羣

容易生兒似阿侯莫愁真箇不知愁夤緣湯餅筵前見彷彿
龍華會裏游解意尙呈銀約指含羞頻整玉搔頭何會
十載湖州別綠葉成陰萬事休

慵梳常是髮鬢髻背立雙鬟喚不響買得我拚珠十斛賺
來誰費豆三升怕歌團扇難終曲但脫青衣便上昇曾作
容華宮內侍人間狙獐恐難勝

小閣爐烟斷水沉竟牀冰簟薄涼侵靈妃喚月將歸海少
女吹風半入林炮盡蘭釭愁的的滴殘蚪漏思惜惜文園
渴甚兼貧甚只典征裘不典琴

生年虛負骨玲瓏萬恨俱歸曉鏡中君子由來能化鶴美
人何日便成虹玉孫香草年年綠阿母桃花度度紅聞道

碧城闌十二夜深清倚有誰同

經秋誰念瘦維摩酒渴風寒不柰何水調曲從鄰院度雷
聲車是夢中過司勛綺語焚難盡僕射餘情懺較多從此
飄蓬十年後可能重對舊梨渦

幾回花下坐吹簫銀漢紅牆入望遙似此星辰非昨夜爲
誰風露立中宵纏絲思盡抽殘繭宛轉心傷剝後蕉三五
年時三五月可憐杯酒不曾消

露檻星房各悄然江湖秋枕當遊仙有情皓月憐孤影無
賴閒花照獨眠結束鉛華歸少作屏除絲竹入中年茫茫
來日愁如海寄語羲和快著鞭

吳會英才集卷六

兩當軒詩

武進黃景仁仲則

渡青弋江

羣山如接髻青青度陵陽山平水界途一葦茲用航金石
燦沙屑晴洲鬱蘭芳甫聆棹謳響勞躅渺已忘馬目眩水
色客鬢愁波光人馬一時渡去路如川長

安慶客舍

月斜東壁影虛龕枕簟清秋夢正酣一樣夢醒聽絡緯今
宵江北昨江南

白沙嶺

嶺頭過征車來往日萬計但碾石成沙難平山作地塵頭

吳會英才集卷六

一

飛起昏一山日暮不見飛鳥還一邱一壑有佳處何事作
山當道路

池口寫望

年時泊池口未上卸帆亭風水如前宿雲山感再經波流
五谿合天接九華青明發重尋勝扁舟不可停

舟夜寄別左杏莊

特別家
一日也

遊志韻收川景

水聲到枕今何時醉中別君心自知扁舟夢斷五更冷風
雪無邊助淒警傾耳微聞折竹聲推篷已失蜚鴻影別時
梅花飛滿觴坐君花下之草堂相看都怪語言少一夕離
居已斷腸歸夢今宵路猶憶明日相思在江北牛渚風濤
百丈深歷陽烟樹千重黑差喜百年交道真不須零落苦

嫌身更將愁水愁風意寄爾高歌擊筑人

定遠

重岡百盤疊勢與遙山爭淮雲一片落遠見南譙城高樓
矗三兩雉堞蒼蒼明岡轉忽不見漸聞鷄犬聲駝鈴閒市
喧卸裝孤館清鳥鳥起畫角月上詩已成稍進館人語閒
數來朝程飯冷酒力薄淒苦中宵情平頭促就枕明發宜
五更一笑遣之去且當吟洛生

道中卽事

全良賦臺人期難留客魚鳥猶愁不送人苦
樹中出鈴語覓徑經荒祠星光滿空郭照見歛殘碑欲讀
不能審悄立回風吹輕塵旋成陣墮葉飄相隨屋角落鳥
羽草心繫蟲絲人跡一無到精靈沓來窺憐余嗜幽僻不

吳會英才集卷六

二

碍拈吟髭明朝脫經過盥手陳江離
游漪園草歸湖上
名園負郭水爲鄰水上垂楊繫馬頻尋徧舊蹤疑隔世畫
來秋色借全身池臺入暝難留客魚鳥能愁不近人若說
西湖似西子此時意態只宜顰

湖上雜感

遠山如夢霧如癡湖面風來酒面吹不見故人聞舊曲水
西樓下立多時
水寒成陣怯衣單落拓愁懷遣倍難薄負才情合憔悴可
憐閒煞好闌干

葛嶺草歸

湖岸烟塵過雨清，繁絲促管悄無聲。水風蕭白鷗羣散，山日荒黃我獨行。破寺陰陰飄柿葉，晚行漠漠謝蘭英。尋吟自愛幽涼地，反覺悲秋氣漸平。息同昇並戲韻日感雨

雜題鄭素亭畫冊

月黯沉雲多，山深夜泉長。忽斷踈鐘撞，誰敲石門響。

翁如訪戴行，我願爲童子。隨向谿橋邊，韻入橫圖裏。

倦掩窗前卷，閒揮膝上桐。斜陽留幾許，雁背不成紅。

桃源澗

本裡數澗人深此澗上綠紫紫墨韻賦來

誰云秋山空，林暗日卓午。寺門影遙紅，幽敞形構古。高僧一指禪，破山作山祖。石幢鑄寶文，珠閣散花雨。寺後竹千頃，一綠上眉宇。松間就僧飯，窗際聞樵斧。枯澗積葉深，葉

底暗泉吐度，約登山椒憩足匪。一所回頭俛，僧寮繚曲見窗戶。高處何所聞，嘹嘹雁相語。文起閣遊山雨詩

登高易心瘁，况茲搖落辰。我行深林中，敗葉如隨人。前峰忽中斷，平野連城闌。人氣此焉聚，上結濛濛塵。誰知我曹樂，迴與太古鄰。日華轉壑底，霜氣清崖根。更愛佳石淨，皺瘦無輪囷。每坐不忍移，撫之輒生溫。遙山萬千疊，何處平吾身。

偕邵元直遊吾谷

此閒看山復看楓，谷口敞與平原同。長崖遠障日邊雨，高樹獨搖天半風。側身忽覺軀幹小，挈友况在神仙中山靈。極知我曹樂留住，絕壁殘陽紅。

春曉

黯黯復沉沉，虛堂擁薄衾。枕邊尋斷夢，門外釀輕陰。謝識孤花意，歸知獨雁心。峭寒猶似許，不道入春深。

晚眺

關河容易入斜曛，獨立蒼茫數雁羣。樹裏江淮流漸合，門前梁楚地初分。天粘野草疑無路，風旋驚雅忽入雲。我意先秋感，搖落澤蒲汀柳漫紛紛。

將之京師雜別五首

翩與歸鴻共北征，登山臨水黯愁生。江南草長鶯飛日，遊子辭鄉去友情。五夜壯心悲伏櫪，百年左計負躬耕。自嫌詩少幽燕氣，故作冰天躍馬行。

吳郡吳才集卷六

四

看人爭著祖生鞭，彩筆江湖焰黯然。親在名心留百一，我行客路慣三千。誰從貧女求新錦，肯向朱門理舊絃。吳市簫聲燕市筑，一般悽斷有誰憐。

窮交數子共酸辛，脈脈臨歧語未申。割席管寧休罷讀，分財鮑叔尙知貧。初心小負棲巖約，後會依然戴笠人。除是白雲知此意，幾曾情豔軟紅塵。

身世渾拚醉似泥，酒醒無奈聽晨雞。詞人畏說中年近，壯士愁看落日低。才可升沉何用卜，路通南北且休迷。只愁寒食清明候，鬼餒墳頭羨馬醫。

載酒扁舟障錦車，風情無際擅年華。牽魂西子湖頭月，照淚吳王苑裏花。已是舊遊如夢境，況經遠別更天涯。馬頭

細草茸茸碧來歲相看可憶家

沙洲行

門前洲渚春水生浩淼遠與淮流平吳艚楚舸泊門下睡
鄉伊軋皆櫓聲經時臥病出門望但見短草搖天青水落
不知處草青行復枯行人如豆馬如蟻出沒草際行蠕蠕
若教此地不爲浸豈非萬頃眞膏腴長淮樹底渺難辨極
浦征帆有時見帆影還爭落日飛鼓聲或遞回風便一行
雁帶商飈來散作秋陰滿淮甸捲筇獨立何蒼然萬里勢
落蕭遼天客魂久已迷下蔡地氣莽欲開中原世情生落
盡如水何必桑田與滄海等閒風景傷羈人我客茲邦已
彌載故鄉昨日郵筒來石田犖确生蒿萊老親日日倚門
望試問游子何時歸沙洲行復別伊去明歲水生無我住
史元安之潁州便道見訪

半載清淮常臥病經年舊雨最相思小山桂樹吟方苦大
海萍蹤聚亦奇按曲尊前推老輩傳經帳後得佳兒下牀
萬里吾徒志不贈當歸贈可離

東阿項羽墓

將軍之身分五體將軍之頭走千里擲將贈友歡平生漢
王得之下魯城可憐卽以魯公瘞想見重瞳炯難閉至今
燐火光青熒猶是將軍不平氣昔莫絮酒烏江頭知君毅
魄羞江流懷古復過彭城陌知君英靈愁古國兩地招魂
不見君却從此處弔孤墳美人駿馬應同恨多少英雄未

路人

春感

二月不青草蕭然
菊北春千金無馬骨
十丈有車塵氣盡
初爲客心空漸畏
人道旁知幾輩家
有白頭親

亦有春消息
其如雨更風替愁
雙淚燭對語獨歸
鴻宮闕
自天上家山只夢
中東君最無賴不
放小桃紅

桂貞曲爲潘蘭垞賦

桂枝中抱辛較甚
蓮心苦剖作琵琶槽
切切能私語不比
紅豆枝祇按相思
譜過客傾耳聽繁
絲激悽楚曲終人
馬喧此別成千古
省省墓門風霏霏
陌頭雨攀樹迷故
柯尋聲何處所時
見楊柳花彌漫撲
空舞

得稚存淵如書却寄

秋窗夜涼燈一粟
日南坊西數椽屋
客心羈孤不可論
忽

有故人書在門書
詞悵惻紙黯慘曾
洗巨浪傾崑崙

寄書人曾

覆舟於河

關河阻越兩年別
展翰披緘轉愁絕
洪生掘強百不

諳只解故紙驅銀
蟬自餐脫粟厚親
養儉歲襍被遊江
潭

孫郎下筆妙心孔
百煉枯腸瀉真汞
寄我新成病嬾詩
不

特才豪亦情種鶴
籠鳳笈雨不聊憐
我場起爲解嘲老
親

弱子感溫問古意
分明見方寸入世
無妨醒是狂謀生
敢

道貧非病燕山九
月飛雪花日口典
衣歸酒家聞鐘偶
一

攬清鏡面上薄已
汗塵沙插標賣賦
愁絕倒臣朔苦長
尉

不飽織錦偏輸新
樣工論文每歎清
才少春風野火旬
全

刪今日長安住較難故人遲我作長句須在匡山讀書處
都門秋思

五劇車聲隱若雷北邙誰見冢千堆夕陽勸客登樓去山
色將秋遶郭來寒甚更無修竹倚愁多思買白楊栽全家
都在風聲裏九月衣裳未剪裁

側身人海歎棲遲浪說文章擅色絲倦客馬卿誰買賦諸
生何武漫稱詩一梳霜冷慈親髮半飢塵凝病嬾炊爲語
遶枝烏鵲道天寒休傍最高枝

圈虎行

都門歲首陳百伎魚龍怪獸罕不備何物市上游手兒役
使山君作兒戲初昇虎圈來廣場傾城觀者如堵牆四圍

立棚牽虎出毛拳耳戢氣不揚先撩虎鬚虎猶帖以梔卓
地虎人立人呼虎吼聲如雷牙爪叢中奮身入虎口呀開
大如斗人轉從容探以手更脫頭顱抵虎口以頭餉虎虎
不受虎舌舐人如舐穀忽按虎脊叱使行虎便遶巡繞闌
走翻身踞地蹴凍塵渾身抖開花錦茵盤回舞勢學胡旋
去似張虎威實媚人少焉仰臥若佯死投之以肉霍然起
觀者一笑爭釀錢人旣得錢虎搖尾仍驅入圈負以趨此
閒樂亦忘山居依人虎任人願使伴虎人皆虎嚼餘我觀
此狀氣消沮嗟爾斑奴亦何苦不能決躡爾不智不能破
檻爾不武此曹一生衣食汝彼豈有力如中黃復似梁鶩
能喜怒汝得殘餐充奚補俚鬼羞顏亦更主舊山同伴倘

相逢笑爾行藏不如鼠

歌渡

朝發齊河驛乃道耿濟渡飛梁破長烟斷岸積陰霧萬弩
奔流攢如挾鼓聲怒當年耿伯昭懸軍此飛度一鼓拔祝
阿轉戰得張步掃平三百城主道開東路以比韓淮陰文
叔言非誤落落難合人功名在遭遇風雲鬱沉薶川陸莽
回互懷古心悠然停車一延佇

歷城道中

北游忽不樂東來攬齊岱陸盡燕趙交水送汶泗會只有
清濟源伏流隱支派亦如古達人心跡有時晦羣山盡朝
岳敢向不敢背峩峩靈威丈揖我青霞外迓客遣片雲飛
來若車蓋揮手暫相謝冰霜迫徂歲倦遊思小休濟勝行
未艾寄語雪中花石上勞相待

贈楊荔裳卽寄酬令兄蓉裳

故人憐我頓塵中溫語頻番慰寓公百鍊妖金空自奮飽
餐癡蠹有何功名心澹似幽州日骨相寒禁易水風拭眼
雙龍起騰躍未憂吾道竟終窮

夜坐示施雪帆

不嫌蓬葦共蕭辰對榻經旬意較親笑我在家仍在客與
君憂病勝憂貧虛傳薊北黃金賤自別江南白髮新幸有
一椽堪寄做底須狂趁六街塵

蔣心餘先生齋頭觀范巨卿碑額拓本

憶昔北上經金鄉車幘不卷臥且僵忽如有人促我起道
旁碑書巨卿里慨然懷古雙眼明欲爲一詩迄未成乃今
見此墓碑額似索心盟話疇昔直是生平死友心上作星
芒墮爲石碑穿已失文不完此石亦沒蛟螭淵龍門坊口

披沙得離垢菴中剪燭看

心餘先
生齋名

青龍三年此碑設鄉人

翟循縣君薛冀州事與范史殊名件亦補鄴注缺渾淪製
少盤螭痕精堅體仿玉筋文黃初諸刻若優劣以殿魏碑
差得真文云枯斃潤荆漢治郡威名事奚案世亂方矜獨
行名名高不必循良傳郅君章與邢子真欲爲死友適得
生張元伯後陳平子縱不生交亦堪死不知君死友者誰
身後百年開此碑滄桑不爛西山石陵谷如含峴首悲過

眼雲烟欣落手願抱此碑同石友彷彿空中走素車來共
風前一杯酒慙愧生平結客遊山陽空聽笛聲愁南歸定
下墳前拜埋骨期分土一邱

人日登黑窯廠歸集翁學士覃溪詩境齋

一放登高目始知塵海深天留數峰雪雲閣半城陰苑樹
春還寂齋鐘暮已沉今宵有高會歸路遶寒岑

酒從詩境得韻比草堂清豔以三陽節分來七寶羹千秋
欣有託一飽詎忘情何必梅花發江湖思已盈

桂未谷以漢瓦并天下文拓本屬題

一篝火起狐鳴野三月阿房土花赭却留餘燼在關中燒
出未央宮上瓦其時天下方匆匆銅鞮之北平城東歸來

金碧一照眼雙闕屹峙天當中按劍一怒隆準公鄙侯數
語天回容此曹相從布衣起望氣久已知雲龍宮成何必
天下定以耀萬世威無窮此瓦團圞不盈尺四字篆文隨
瓦合多少中原逐鹿人若見此文同一泣蒼然古製踰香
姜何論急就兼凡將會共朝霞映金齋不隨夜雨飄鴛鴦
豈無萬壽長生字看來無此英雄氣離宮百四空斜陽殘
本淒涼出都肆知君好古二世無摩挲舊拓意有餘更披
三輔黃圖錄補入西清古鑿圖吳會英才集卷六
題洪稚存機聲燈影圖吳會英才集卷六
君家雲溪南我家雲溪北喚渡時過從兩小便相識白楊
頭望何安居辛夷樹訪迂辛宅君言弱歲遭孤露却伴孀
親外家住塵封蛛網三間樓阿母淒涼課兒處讀勤母顏
喜讀倦母心悲不惜寒機杼千匝易得夜燈膏一瓶燈滅
尙可挑機斷不可續樓風刮燈燈一粟書聲機聲互相逐
屋角時聞鄰嫗愁烟中每撼林烏宿老漁隔溪住十年君
家舊事渠能言打魚夜夜五更起蔣家樓上燈猶然卽今
此景空追溯蓼莪已廢白華補寫聲寫影工則能難貌孤
兒此心若如君獨行世無匹謂我知君不言乞君名已達
薦賢書母傳應歸赤心筆我慚腕弱何能任忽復悲淚沾
盈衿畫中咫尺逼親舍南望白雲千里深未能一笑酬苦
節空此春暉寸草心剪燭題詩意無已急付橫圖捲秋水

打窗凍雨剪燈風擁鼻吟殘地火紅寥落故人誰得似墮天星影暮天鴻

當時置驛起聲名老去傳經倍有情慙愧西游那根矩東家孤負鄭康成鄭誠齋先生

春明門外送征驂別味經年似酒酣昨夜梅花香到枕夢回天北望天南溫步容舍人

小謫陳芳現在身人間何事做精神幔亭仙客休相待八百孤寒要此人朱笥河先生

興來詞賦諧兼則老去風情宦卽家建業臨安通一水年年來往爲梅花袁簡齋太史

采石磯頭太白樓蛾眉博望捲簾秋先生暇日時登嘯爲我題詩在上頭沈旣堂太守

漢南仙客出羣才綺歲清遊不可陪我在長安反西笑有人置酒上叢臺安桂浦孝廉

半載還家路八千珠江何日喚停船天涯亭上如回首可信長安是日邊馮魚山庶常

感舊青門涕未收君才端不愧箕裘屈居弟二非無意來歲春風讓舉頭邵元直孝廉是秋以弟二人舉於鄉

河湟俠少常難治關隴流民少定榷料理巖疆抵鄉郡故人家世本關西楊蓉裳明府

湖干花月冷鷗波半載清游不奈何借問襄陽舊風俗可容載酒習池過仇兩亭孝廉

絕憶君家草堂月往來帆影動簾紋知君五載杭州住一

夢西湖一見君

左杏莊秀才

問訊樓頭孫子荆早除煩服向吞聲而今可有二危使碧

海青天萬古情

孫淵如明經

丙歲孤蓬泊京口聞君鄰舫倚歌聲銀箏紅燭三更話風

雪江湖十載情

閔季心都司

臺址何年贖可詩嶺名應不罷相思輕紅三百憑君擘莫

負闌孃十八時

何數峯上舍

鬥茶燒笋味同諳愛說詩僧是野蠶手種庭前雙桂樹一

天秋思古淮南

孫吟秋上舍

君之嶺嶠我燕游北雁南烏兩地愁可惜白雲尖上月兩

家樓閣十分秋

蔣良卿上舍

負笈輸君學是游移家增我病兼愁仙山九曲經過處識

得回腸似此不

陳菊人上舍

故家庭院水般清手撚花枝一笑成乍見還驚却回顧不

恒風調太憨生

烏絲闌格鼠鬚描愛我新詩手自抄莫怪年來拋韻語此

生無分比文簫

獻縣丞汪某坐中觀技

主人憐客困行李開觴命奏婆猴妓一人鏡頭頗有髻喚

到筵前屹山峙頤頤解奏偃師歌斂氣忽噴尸羅水吞刀

吐火無不為運石轉丸惟所使上客都忘葉作冠寒天條

有蓮生指坐令斐几湘簾旁若有萬怪來回皇人心狡詭
何不有爾爲此技真堂堂此時四座羣錯愕主人勸醉客
將作忽然堵下趨奚奴瞥見庭中飛綵索少焉有女顏如
花款闌循牆來綽約結束腰軀瘦可憐翻身便作緣竿樂
初凝微睇舉高繩高繩見
鄴中記欲上不上如未能失勢一落忽
千丈翩然復向空中騰下有一髯搥盡鼓棖棖節應竿頭
舞驀若驚鳶墮水來輕疑飛燕從風舉腹旋跟挂態出奇
踏搖安息歌逾苦吁嗟世路愁險艱爾更履索何寬然鼓
聲一歇倏墮地疾於投石輕於烟依然娟好一女子不聞
蘭氣吁風前我聞西京盛百戲此雖雜樂猶古意石虎林
誇馬妓書杜林雅愛公孫器螭鵠魚龍亦偶成戲耳何須

蕩心氣狂來逕欲作拍張我無一技爭其長十年挾瑟侯
門下竟日驅車官道旁笑語主人更觴客明朝此際孤燈
驛

趙北口

居然楚尾吳頭畫忽向燕南趙北看爾許離心攀不得十
三橋柳挂蕭寒

正月見桃花盛開且落矣

粉飛紅雨欲漫天不信東風此地偏才報春來會幾日忽
驚花落又今年半生每恨尋芳晚萬事都傷得氣先寄語
漁郎莫相過早逃蜂蝶去遊仙

送陳理堂學博歸江南

聞道宣房未築宮下流春汛頗洶洶時揚州天心是要江

河合地勢愁當湖海衝莫漫停橈賦花月先教徙宅避魚

龍秋來更獻平渠策好共賢書達派被麻重更重香然不

九重前至狀登鳳出木麻土木

且換頭銜愛冷官如君無意得來難醉時欲碎珊瑚樹醒

後仍餐苜蓿盤但去莫嫌經舍窄就中差覺宦途寬江山

詩酒須行意好爲師儒一洗酸

小除日經廠市見王叔明畫愛不能購歸以志悞

長安幾人愁歲逋誰耐齷齪看妻孥市中鴿炭白金換廟

上爆竹青紙糊紛紛景物百刺眼瞥見水墨江南圖尾鈴

猩脣叔明字心知其是焉可誣藏古篆法意慘淡備諸皴

吳會英才集卷六

十四

妙胸錘鑪青林杳冥翠竹暮更不著人聽鷓鴣一重一掩

自開合萬壑千巖知有無借問主人活不活氣所不足辭

嘯嘯烟雲過眼沙脫手不知去落何人廚歸來嗒然欲忘

我急喚墨汁書門符以則畫不並觀論以志對

尹六丈爲作雲峰閣圖歌以爲贈

出君胸中隨意之邱壑圖我懸崖萬仞之高閣斷腰破頂

峰狀千縑石穿松雲態各弄君筆頭隨意之丹青使我鳩

形鵠面生光瑩風塵掃盡出本相土木塊然還舊形蓬萊

元圃藐姑射攝入橫圖不盈尺雲邪峰邪重復重重杳然不

知圖所終故令閣勢欲飛去位我讀書長歎於其中咄哉

此客太相逼攬鏡依然舊相識周旋與我成三人畢竟置

身高處得我曾夜半登祝融鐵笛出金鉦紅又曾黃山
看鋪海石壁雲蹤至今在他如匡廬九子天台四明舊遊
一一歸夢境君畫與我通心靈從今臥遊不復夢但恐披
圖意飛動五岳尋真願總乖千秋作賦才何用碧海難騎
李白鯨紅塵漸老嵇康鳳客裏相逢意轉親袖君高手畫
麒麟若論此日圖中客亦是尋常行路人

吳會英才集卷七

樹蔭堂詩

秀水王復秋勝

王大令名父之子翩翩佳士早年游歷江淮棲遲京國鉅公名士咸有膠漆之投詩篇蘊藉風流如其標格竹垞樊榭嗣音在此觀其才思天授酬答應機已足近擬文長遠方王粲項自雍鎮豫佐幕需賢薦牘再申由丞擢令雖沾微祿深惜小用其材

暮過山塘懷高東井

金閶亭下記同遊茶竈書籤共一舟今日思君渺烟水鶯花滿眼過蘇州

寓齋對月

吳會英才集卷七

一

坐對團圓月殊鄉獨滯留懷人愁遠道惜別憶高樓玉臂寒應重銀河影自流遙知相望處脈脈下簾鉤

春日招同人小飲卽席賦呈鄭紅泉孝廉兼送其往廬江

用韓孟會合聯句韻

和寡曲斯高別多情愈重詩懷杜老狂遊興馬卿勇相思廬江深悵望越山聳光陰似水流羈愁若雲湧經年笑語

違滿抱俗塵壅歸來當殘冬先後看接踵去冬紅泉與予俱在臘月中歸

暖已到茅檐寒方消雪壘閒居欲賦難行樂失時恐常嗟

衣染緇幸未髮就種陋巷少過從蕭齋滌煩冗亂書散滿

牀秃筆堆成家有酒等藏珍邀客類爭寵入門屣倒迎列

席坐環拱快論創未聞妙悟淡忘恂十年兄事稱一字師

資奉市交戒覆翻俗學去肥腫風雨勿暫忘卷帙莫虛擁

請以蕪詞芟喜得華什捧紅泉以長句辱題拙稿君才擅雕龍我吟

苦寒葢譬路得指迷比杖堪扶元稹詩治同調善陳琳杜扶輕杖

時東川在座從遊愧王鞏致身期潔清玩物棄鬪燭劇談興未

終將離心已悚旗亭柳可攀驛路草新茸千里挂輕帆三

策歲美珙紅泉因將往廬州今歲不赴春闈榻定下南州笑豈騰北隴經

術飽紛綸詞源瀉瀉溶生涯多落拓襟懷無桎拳幽興尋

江干勝蹟探山冢紅泉有廬州懷古樂府十首自慚嬖未伸有似蠶在

蛹他時遊定偕後約喜堪躡亦於二月杪亦將之廬州明燈搖鳳脰深

盃暖鶯毳且歡朋盍簪莫聽鐘震甬來朝發杉青一葉波

洵洵

吳曹英才集卷七

二

次韻荅紅泉題予遊草之作

他鄉負米記年時惜別懷人得句遲繫馬垂楊邨店酒落

帆斜日女郎祠心酸南浦江淹賦腸斷東風賀鑄詞不是

天涯倦遊客此中愁思更誰知自漣題來喻詩

題春曉試妝圖

丁東細漏催平曉驚破鴛帷春夢擾侍兒扶起近窗紗暗

拔金釵除了烏六銖衣薄怯春寒斜倚熏爐香裊裊欲仿

深宮巧樣妝開奩細拂殘花皎薄粉初看玉臂調修蛾慣

倩檀郎掃霧鬢雲鬟梳掠新翠袖湘裙束束小纖指還攜

翡翠鈿玲瓏結綰同心好水晶簾外日初長嚙嚙風前鶯

語巧妝成顧影似含情一點靈犀通更早盈盈不語下蘭

階背人自把花枝拗

送褚靄巖之淮陰

斷魂細雨散如絲別袂依依柳下持草色青迷沾酒處杏

花紅點渡江時相逢定下南州楊謂李君懷古閒尋漂母祠

我亦天涯潦倒客河干待挂一帆遲

月暗

月暗新涼夜風簾不上鈎竟難窺半面空憶照當頭螢影
舊時苑簫聲何處樓離人情脈脈無緒理熏篝

紅泉初度日招同人集書帶草堂卽席次韻

迎年騰歡情衢巷喧簫鼓詩人淡無事掃暹日當午朋簪

盍草堂跡比城南杜貼勝藉短屏譚談驚比戶香吹獻壽

吳會英才集卷七

三

椒暖泛宜春醕檐梅試新粧宛約如靜女東風逗座隅襟
抱各和煦聯芳旣棠萼同心復蘭侶茲集自年年遊歷還
頻數謂當奉母行庶免望雲苦廬江水方生韶景漸媚嫵
講帷俊彥列此樂勝華組預想路隔千且喜寒消五珍重
此佳辰盤殮共鄉土

戲簡汪二雲壑卽用其人日述懷絕句三首原韻

窈窕窗紗曉日融玉梅庭院乍東風莫嫌今歲春遲信春

在衣香鏡影中

時雲壑新婚

剪勝栽花舊例循更拈佳詠玉臺新金爐芸餅徐添蕪好
護輕寒中酒身

難得新年十日晴街頭漸聽踏歌聲相期三五初圓夜來

共燈花倒巨觥

上元前二日鄭紅泉錢百泉約齋汪雲壑陳東川過集齋

山中疊前韻

淡宕試燈風歷亂催花鼓盼春春已來淑氣益亭午南榮
坐故人清襟散蘅杜瓶卉香細浮幽禽屢窺戶對此景物
和歡言酌芳醕筍韭愧粗供廚乏絡秀女笑語粲燭花暖
意尊前煦惟茲文字交便擬醉鄉侶中覆暗自欣戰捫紛
難數百斛亦何辭獨醒真徒苦嬋娟月滿簾掩映色殊嫵
曲巷聯臂歌往來同織組試教影吟三未許更催五狂思
買良宵那辨蒲覓切金如土俱翁樂林圃人嘗曰醉醜
雨夜約齋過談留宿再疊前韻

吳會英才集卷七

四

春到雨知時丁耽雜漏鼓濃雲何鬣鬣遮却月當午斜巷
著展來幽思寄芳杜小院剩餘寒料峭入窗戶龍鍾擁敝
裘相對味清醕酸辛話米鹽累漸及兒女牖下此局促陽
和誰借煦談交徒紛紜依戀惟貧侶值茲歲華新聚首樂
堪數厭厭夜已深兀兀吟忘苦沉沉酌未罷簷花落還媿
聯床布被温樸野勝綺組飢鼠瞰燈檠膏盡技窮五詠朝
快新晴嫩苔滋徑土

雨中放舟訪曹上舍卽送其由廬州入都三疊前韻

虹影漾碧流短棹緣溪鼓絲絲雨隨風黯淡昧晨午柴扉
臨水開幽絕浣花杜鵑絮擁羣書迎床列牖戶往歲依周
郎飲和如飲醕詩萼長慶編帖仿鶴花女歸來已早春

氣闔家煦偶親桑梓樂暫結鷗鷺侶濡泚亦舊遊蹤踈循
環數不怕勞薪摧差免守株苦日出照東南孔雀羽鮮嫵
更驅車麟麟長安盛冠組休言不易居春草字吟五宛轉
賣花聲六街踏香土

過范湖草堂訪汪浣花雲壑昆季四疊前韻

園扉蕭寺鄰統統聞粥鼓平池水盈尺老樹陰覆千棗萼
春庭枝雙清真衛杜新製誦長篇鏗鏘音動戶典藉幽居
精淋漓墨和醕謝彼時世妝空谷絕代女一榻颺茶烟簾
櫳涵晴煦君家全盛時肴榼集吟侶落落聚散間曾不幾
年數虞卿著書窮少陵作詩苦絕愛梅格高羞學柳枝嫵
天意鬱奇才人情憐美組曷由效陶朱貨殖賈倍五種竹

吳會英才集卷七

五

復養魚安枕夢糞土

和紅泉詠益梅五疊前韻

好詩句有神催花速於鼓紅萼試新粧翠羽咲晴午霏霏
冰雪清我室塵蹤杜漾影紛隔簾向陽或近戶烟靄護輕
衣沆瀣醅清醕豈無高卧人豈無自媒女不夷不惠間一
枝春風煦海棠聘有待水仙冷與侶幽靜乃可珍妖姪安
足數幸逢清賞偕稍慰相思苦紙帳香暗浮夜月夢殊嫵
芳尊憶往年秀句聯長組

前歲初春紅泉招同人賦益梅聯句

玉笛聲異三

妝額瓣飛五栽挿思滿園惜無尺寸土

二月十日集范湖草堂餞送紅泉之合肥分詠廬江古蹟

得箏笛浦

魏武沉樂妓於此

紫鴛無數翻波浴新蒲細柳迷離絲縹緲哀音水際聞會
葬嬋娟此一曲當年玉帳羅嬌娥秦箏趙瑟陳清歌阿瞞
橫槩何慷慨高臺進酒舞婆娑樓船東下長江路孫郎截
江不可渡倉皇中道棄美人蘭麝氤氳化烟霧昨遊裘屐
盛賓僚喜逢谷口同招要前歲夏日周筮谷明府招同紅泉諸君觀荷於此芙蕖
千百迴欄畔猶似盈盈列翠翹模糊雲樹連瓜步春水方
生送君去內人斜畔路依稀蝴蝶落花紛日暮從古英雄
事渺茫莫將紅粉感滄桑不見鴟夷五湖泛扁舟曾亦覆
夷光春風不歸波

松鼠六疊前韻同祝西澗作

慧黠善攀緣趨疾如翅鼓夷由不晝伏羣行白日午鹿眼

吳會英才集卷七

六

籬頻穿樹腹穴難杜美樅爾未知那解窺堂戶松花甘餌
飴松露香飲醕偷果捷野猿數錢工姪女什百聚圍荒跳
跟樂春煦不怕花貍來還偕竹鷓侶尾大掉相嬉鬚長紛
可數夢被竄墻驚人感齧藤苦捧頭如有畏拱客似獻嫵
鬥雜雀聲喧彩比豹文組持端不妨兩吐色豈成五作詩
憶舊題餘類憚飛土厚石先生曾招同人集范湖草堂賦彈松鼠歌

雨傘七疊前韻

削竹仿製笠糊紙似蒙鼓團轉膏油塗柱立圓影午摺疊

攜甚便平開闔機莫杜晴時任棄置縈塵暗側戶積陰忽

兼旬密雲如釀醕出門愁沾濡利用逮婢女手重互易持

氣蒸濕熱煦淋漓仍無須惟彼荷篔簹侶響疑篷底聽點瀉

頭上數兼資暑月宜遮避炎曦苦遙思紫蓋張飛共落花
媿繪畫雜綺羅擁護盡文組未若此便民風雨占十五蕭

然破屋中差免濕竈土破屋常持傘東坡句

春齋八疊前韻同錢菽原作

歲甘生每先齊民要術歲欲甘則甘草先生齋他族雜龍鼓見郭璞爾雅註雨滋

暗牆陰日暖芳塋午瑣細葉沾泥蔓地剷易杜微根經冰

雪入春徧籬戶爛蒸傳鬢蘇東坡詩爛蒸香齋白魚肥風味堪侑醋新

霽欣野田鈞刀散童女爭挑筐誰贏嬉戲聲和煦晨喚遠

入城賣與餅師侶論斤價最低放翁詩兩京春齋論斤賣錢只三四數

甘豈茶能如食不腸俱苦垂老始作花小白色亦媿蒙茸

問紫草遠望繡如組未盡月交三何用溪尋五巫州有五溪人不食

吳會英才集卷七

七

齊見明皇雜錄薄祿餉山居蔬食離塵土

寒食日廬陽道中馬上口占二首送小白酒亦賦菜草

輕寒輕暖豔陽天冷節他鄉又禁烟斜拂鞭絲官柳下吟

鞍兀兀穩於船

白陽蕭槭間棠梨上冢誰家麥飯攜滿地蘼蕪空自綠落

花風颺紙錢低

蔣春雨師屬題項易菴桃花小幅三首畫作桃花數枝挿酒甕史

晴窗試展玉鴉叉酒氣花光暈作霞會得東風沉醉意甕

頭春倚一枝斜

人琴天籟閣俱非妙墨流傳世已稀客至倘斟缸面酒仙

源客易謙將歸天籟閣項氏藏書畫之所

舊日朋尊碧玉壺淺深紅愛最繁株披圖有意憐今昨醉

筆重煩妙手摹庚寅春日同人集西澗碧玉壺看餅桃花各賦長句近日西澗有臨易菴挑花小幅

得百泉邗上來札兼讀金棕亭先生次韻之作奉寄

草草虛堂話別筵春波同放鴨頭船孤蹤已逐浮萍轉遊

興應知兩屐穿桃杏爭妍紛眼底文章得價勝腰纏十年

一覺尋前夢予自壬午後往來邗上 棖觸離懷倍黯然

遠勞記憶託新篇手寫蠻藤十樣箋江左聲名尊老輩淮

南絲竹樂中年聯吟醉共千觴覆慰勉情深尺素傳謝舅

何甥無恙在後期同對月輪圓百泉有中秋返棹之約來札詢及西澗雲壑故及

西澗以詩柬予及春雨師菽原雲壑各一章次韻四首

退鷁傷摧羽連鰲漫擲竿心驚人海夢淚洒墨池瀾著述

吳會英才集卷七

八

半生苦饕餮十口難悵懷清夜裡落月小長干謂百泉

嗜古羅墳索酸鹹世味殊執經通德仰繞膝交師娛小逕

客蹤熟生衣仙骨臞頰來問奇字酒盞可拈無

永晝消清課園林烟靄霏草深蚯蚓語溪靜鷺鷥飛妙句

珠聯字名花酒澆衣北窗攤飯好鸞尾翠陰圍

十笏簾垂地愔愔度小年勤書深蠹穴嬾枕熟蠶眠女杼

微雲句仙入明月篇過從堪結夏一榻雨條然

范湖田田處久不種荷入夏多雨池水驟漲六月八日同

人集飲水亭各賦長句分得暗字

金陀舊圃城西占一項瑠璃光激灩夏木千章映碧漪麴

塵撩亂楊枝蘸鴛鴦飛去花葉稀三十六陂空繫念經句

溽暑雨翻盆驟漲平隄波汎濫澄澈初窺鏡面開寬閒徑
擬瓜皮泛紫苻浮空鷺獨拳青萍漾影魚羣唵千絲細網
靜堪張五色仙螺深欲探不見盈盈步韞羅採蓮一曲歌
聲欠回憶童時扶杖過亭亭出水風姿豔庚辰夏日侍先
大夫暨同人集
亭上看荷紗窗洞啟翠幕遮涼坐香酣兼酒釀十載前塵指一
彈碧筒零落紅裳斂徘徊水檻俯空明更瀉一杯珠露湛
醉來拚倒接羅回風曳涼蟬深徑暗十里紅橋發興新來
朝待解杉青纜時將之
邢上

湘雲曲爲黃小松賦

東風暖試珍珠蕊搖漾香魂吹不起森森湘波瑟瑟雲芳
情容與牽蘭芷麗質天生百媚俱香閨移住近吳趨風流

不數盧家婦放誕還同卓氏妹黛螺細畫眉峰碧弄粉調
脂愁未劇展卷耽吟詠絮篇擘箋愛仿簪花格柳枝初鬥
小蠻腰花月春江暮復朝別構新軒名寫韻閒翻舊譜按
吹簫沉吟暗恐芳時誤繡幕羅衾等閒度一道牆圍青粉
高惜無宋玉西偏住闔閭城下遇參軍梁谿鮑鼎
銓讓侯青鳥飛

來致意殷綵筆留題詞款款畫橈並載水云云冰綃更倩
傳神手貌出崔徽應寡偶松柏西陵許結緣菖蒲北里期
相守紅燭燒殘別淚濃驪駒花下挽無從傷心綠偏蘼蕪
路何處淒迷認去蹤委禽強就真前業飄泊紅顏墮塵劫
信有人間鳳伴鴉誰憐樂府鴛隨鴨只今圖畫韻猶存夢
醒羅浮空斷魂唾碧衫輕苔石冷冰姿斜倚悄無言詞壇

黃九鍾情侶軟障攜來吟篋貯喚起真真夜靜時試教恩
怨從頭敘淪落天涯我欲愁人生離合本浮漚中心縱比
湘江曲薄命空隨雲影流

題小松秋影菴圖

君家西湖濱身在畫圖住青山不用買蒼翠滴高樹疎疎
屋數間結構陰涼處地拓十弓寬籬編六枳護窗明几亦
淨文史涉深趣漱石細泉流出林幽磬度楓葉半紅黃返
照衡門暮入夜聽蕭騷更續歐陽賦

九月八日集竹隱山房食蟹同限八字二十四韻

風聲冷颼颼樹影搖禿鬣沿籬莖菊媚倚檻琅玕戛笑視
動食指偕來省簡札插花先滿頭款客喜投轄魚步遠攜

吳會英才集卷七

十

來蟹螯味俊拔入市老漸佳仄行性偏黠稻熟暗上塍霜
寒深見竅緯蕭排重重冷波漾汎汎燃燈照迷離爬沙響
啁晰伺伏待宵沉探取恃手劫初用青筐盛旋被寒蒲紫
問價較低昂就買揀俗俗雙豎目怒瞋齊吐涎腥滑驗臍
知尖團數輩或二八

山谷詩寒蒲束縛十六輩

甲負堅於兵爪舒長似

鍛捉逃怕箝持拖泥淨洗刷不須配酸鹹但可下椒檄案
上薑初鳴甕頭泥乍拈盤堆背掀紅匡溢膏流膈左手持
最豪外骨咬還齧分湖類頗繁爾雅讀須察烹鮮正及時
清齋何戒殺

是日浣花因持齋不食

燭跋興未闌杯深情共愬來朝

策短筇登高尋古刹

初十日陳半邨攜蟹過予齋中招同沈帶河暨菽原昆季

小飲仍用八字二十四韻

重陽例雨風每苦爛泥滑勇往上浮屠矯健如飛鶴昨朝
喜晴和清光無垢坵病卧久困疲足力難振拔著屐負登
臨閉戶類盲瞶尊空盼白衣囊佩餘紅糗日暮酒入尋巷
靜聽音察入門一笑歡放手雙螯酥片肥自凝金穰滿
可空柔頤先垂涎招客更飛札是日數
原後至荒廚辦咄嗟美酒
佐喫嚼但須升滿三何用盞陳八水族最紛繁嚴霜初肅
殺遊鱗盡將潛負殼獨逞猾產海實輪困踰淮尤瓢詠盤
珍我鄉數斲取漁戶黠就烹氣帶腥試擘足遭刖饕情信
宿同詩思連宵茁險韻任鬪拈寸心似草擾問夜數更籌
畏冷裹巾帕燈前豪興留窗外寒飈刮弦月恰當空羅雲
淨如刷欲散且徘徊小別無咽嘶時予將
之京口清夢落江湖柔
櫓聽鴉軋

吳會英才集卷七

七

冬夜金閨道中舟行聽雨同徐秋湄作九疊鼓字韻

作寒雨意濃飽帆風力鼓燈影接山塘市聲收夜午襍被

濕氣侵篷罅漏痕杜撤捎忙點篙淋漉憐船戶鄰舫語喁

喁紅燭共傾醕蕭蕭暮雨歌愁殺盪舟女淒清冷未眠爐

灰撥難煦烟波連震澤共濟欣有侶花店七里情高樓兩

岸數阿誰同夢甘柰此別情苦徐陵綺語工風流玉臺嫵

湖雲黯回首愁緒縈如組浙浙增悶懷初程纔百五何處

錦娃宮脂粉變田土

曉泊京口

暮收帆急津頭驛鼓喧燈光運市動霧氣隔江昏風亂
塔鈴語潮平沙岸痕木瓜新釀好篷底試開尊

同人集西澗齋小飲用百泉園中看桃花韻

城隅草色綠侵衣臨水斜開白版扉病骨支離憐島瘦

初病起濃妝掩映憶環肥齋中海棠盛開釀錢徑踐深盃約衍客還

欣短燭依三月揚州無限好鶯花滿眼與先飛時百泉與予俱將往

江邪公春興詩林同謝斷斷南園香林谷湖小古一首

百泉將往邗上予以事阻未及同行疊前韻送之

渡口楊花亂拂衣行旆檢點上船扉去如海燕尋巢舊到

值江魚入饌肥綺語徐陵欣共賞時與秋湄偕行窮居王粲歎無

依紅橋流水湔袞碧遲我風鳶接翅飛

吳會英才集卷七

七

汪西邨自吳淞歸招同人集范湖草堂再疊前韻

重話寒暄一攬衣湖邊同叩舊圍扉水添池曲魚鱗活荀

逆籬根竹颺肥炊黍光陰聊盡醉搏沙蹤跡暫相依來朝

更踐茶禪約莫待繁紅作雨飛

曹忍菴農部招同攜酒過南園看梅各賦七古一首分韻

得好字

密雨經旬暗昏曉巷北街南愁積潦園林咫尺近相違深

怕枝頭春漸老衝泥滑滑履齒扶入門一徑羃幽篠千株

玉雪鬪精神綽約仙姝出塵表嫩怯餘寒蕊半含低籠薄

霧姿逾姣平臺俯視萬花頂面面迴欄暗香擾寂靜初聞

鳥語稠幽尋未許蠶鬢抱花光四照明雙眸凡豔紛紛空

一掃座中佳客會吳楚畫楹攜來共傾倒陳王八斗逞麗
才淳于一石注清醪憶昨經過臘未交蓓蕾低含芳訊早
縞衣風外舞翩翻遲我重來看正好醉後狂思效放翁化
身千億恣環繞拈毫火急成新詩唐突休教被花惱

懊悵曲二首

笑語深宵靜不聞應知繡被暖香熏重門早下歲穢鑰山
木空教詠鄂君

沈沈院落夢因依瞥遇花間影便違百丈遊絲牽不住伯
勞東向燕西飛

當壚曲

酒帘搖曳青溪口門前樹樹春楊柳吳姬十五未工愁斜

吳會英才集卷七

三

倚壚邊出織手錦鞍一隊來于于臨階下馬沾醞酬日暮
沈酣恣調笑就中可是馮子都

燕

同出烏衣巷無端舊路迷迎風翻翠翦帶雨啄香泥幕上
居難穩簾前語自低巢君華屋裡可得庇雙棲

邗上送帶湖明經入都二十韻

雨窗集朋尊良夜動春酌依依款別情苦語酸辛各二月

予將來揚同帶湖我來月已週後至期逾約帶湖本訂三

集飲錢用菴齋中挾策將北遊旅館暫棲託江南草初長照眼花光灼相逢

佳麗場藉以慰寥落十年硯席親簡編同考索小技擅詞

筆務勉去浮薄媿媿聆清言有如眼刮膜末學求速效專

意爭剽掠一冊寶兔園亦足取高爵文章之根柢下筆苦
冗弱君獨抱遺經閉戶忘憂樂紛綸非大春辨論逞雄博
課實入成均稱名庶無忤艱難就長途羞澀垂空囊行行
勿憚勞雲路好騰躍客裡重分攜愁縮楊枝嫻後會期來
春軟紅插雙腳燕市舊壚頭預訂酒錢釀予明歲亦將北上

寄懷周篔谷明府三十二韻

京國三年別鄉關百里紆離懷方繼絃音問得歡愉舊績
流傳遠新猷次第敷文章家學重經濟盛時需早歲科名
捷輕裘輦轂趨班應聯玉筍綬竟縮銅符柳葉千條密前宰青陽有蓮花九子殊廣庭方集鳳隔境又飛鳧百頃
種柳曲十首

拜殷勤舉袂扶交真三世久情重十分逾乍下留賓榻還
催進酒廚東方慚索米南郭濫吹竽竹徑炎氛遠蘭窗臭
味俱忘形借口夕結契共于喁嗜古搜墳索憐才到珺珉
鑪香温鵲尾簾影蕩鰓鬚妙曲翻紅豆深盃泛綠蒲豪遊
攜榼具陳迹覓榛蕪正擬歡場洽旒教別棹呼炎涼看轉
變聚散感須臾暫解塵中組仍依櫪下駒廉惟餘笠繖歸
未遂蓴鱸復起

恩殊渥新來信早孚隨車甘澤下編戶暖風煦射鳴堂頻
啟鳴琴室自娛才宜資劇邑名本振清途昔夢烟雲散前
塵歲月徂沉吟懷舊雨飄泊愧今吾後會來長道相思寄
直沽何當重握手醉飲勝醒酬

借忍菴客居真州半載將歸用少陵屏跡韻二首

遠道依劉至經年忘旅情卜居喧是避結契淡相成海燕
自來去江雲時重輕天涯秋又到爽氣入簾清

憶昨褰初卸庭前春事幽芳情依短夢別緒付長流早雁
一行字遠山千疊愁中秋期已近明月唱刀頭

古意二首

飛鳥戀舊羣修竹養高節豈意同心人中道相決絕前者
歡樂具今者恩情離歡樂有盡日恩情無已時長亭酒滿
鷓思念款曲敘石闕生口中哽咽不得語

哽咽不得語別離在斯須驅車臨當發四顧猶踟躕踟躕
亦何爲終當一分手但令金石堅區區意相守男兒重信

吳會英才集卷七

十五

義盟誓永不移願言各珍重見面會有時

紅泉菽原浣花及予俱將出遊招同東川過集齋中話別
用竹垞先生集古藤書屋聯句韻

傲裘耐餘寒十日陰霾積鄭虛薄雷催曉晴風光浮早麥陳豐
春情花覆窗別意柳垂陌錢棠各懷千里心暫此息飛翮復

雪泥爪偶留筆硯形爲役汪大紳書殘未換蔗金盡難點石
窟窮居守蓬蒿遠道數埃驛澧江雲飛夢魂梁月想標格

榮朋尊眼共青手綫衣驚白復撥灰且深宵寸陰良可惜

大神

吳會英才集卷八

樹蔭堂詩

秀水王復秋勝

清明日集得月軒各賦長句分韻得茂字

佳節初分新火候，鈿車陌上芳茵繡。聽遍鶯簫惱客懷，尋春懶步香塵後。咫尺幽居折簡招，高陽儔侶欣相遘。南道北諸阮聯咸，籍同時訂蘭臭徑轉清陰薜荔圍，壁黏妙句琳琅富。窗前窈窕畫圖張，溪畔泠泠琴筑奏。有情點筆煩虎頭，時擬屬章坦園寫雅集圖無事關門效犀首。座中人並建安才，是日同席七人詞采翩翩競華茂。長城亦欲繼偏師，愧我詩情獨寒瘦。翠巒隱霧色初暝，紅燭籠紗光繼晷。書林梢漸看吐銀蟾，風外頻聞催玉漏。當前傾倒盡良宵，莫待飛花撲襟袖。

吳會英才集卷八

一

忍菴約遊篁南邨看花予不及赴忍菴以詩見示次韻奉

呈

春去已二分，尙覺薄寒中。天氣苦困人，醉眼似昏瞢。昨朝

際晴和，短棹犯菰葑。

前一日忍菴招同放舟遊岑山

倚岸青絲牽，捫壁蒼

蘚封山僧啟巖扉，肅客停禮誦羣峰。互鬱盤秀靈具妙用

頓覺拓心胸，天半豁陰霧。花絮風撲簾樓閣，雲飛棟提壺

就竹窗幽禽時一咲，宗派效西江

余嘯石南昌人

長句聯羣從聞

說前邨南千樹紫霞種，佳賞須及時。更約沙棠共隔宿，續

良遊。褰屐偕二仲，溯洄碧水涯。攬景自吟諷，沿溪燦花光

恍入仙源洞，山公倒接羅。醉罷興尤縱，我獨閉空齋。懶臥

謝塵控父陽明窗，閒笑語喧歸舫。相示紀遊篇，紙上暖香

送錯落珠走盤清冽酒開甕所惜負芳菲敢以蕪詞貢花
神倘有知應入宵來夢

珠蘭十二韻

縛架支柔榦移盆就畫檐憤滋清露潤不避暑風炎名字
湘潭襲來程閩海淹霏微肌粟綴淺淡額黃添開處猶疑
蕊繁時欲逗簾貫思珠瑟瑟摘想玉纖纖小扇低承綺清
甕滿貯奩浴餘蟬翅掠妝罷鳳頭拈粉助芙蓉豔毬成茱
莉兼枕函嬌夜合茗盃鬪春尖軟語吹脣密濃香入夢甜
經時常眷戀腸斷莫相嫌

一名斷腸
花見本草

忍菴招同遊岑山納涼小飲晚歸遇雨分韻得侵字

經旬溽暑熾斗室如燔燂那借清涼境暫避炎威侵凌晨

吳寬英才集卷八

二

日未炙移船溯溪溽一簇湧鬢髻萬木圍櫺椽苔徑已暗
熟曲折隨幽尋茶烟颺修竹粥魚遞深林長老不佞佛耽
書寧非淫洗除棒喝陋日夕常孤吟房宇坐青豆簾垂畫
悄悄須臾絃管發遠蒼山水音雙絲提畫榼共就軒窗對
催詩雨忽至蔽席雲重陰四圍青霧散空濛沾衣襟歸棹
際暝色餘興猶難禁

題岑山志雲上人繙經圖

西來數卷白馬馱流傳駱偃曾摩抄支謙繙譯正謬訛三
乘四諦參伽陀高僧往往藏巖阿香聞鼻觀旃檀和靜翻
貝葉妙悟多岑山聳立高嵯峨翠黛遙凝佛頂螺中有丈
室如鳥窠道塲散落花婆娑未除慧業還吟哦浮生禪指

沙恒河楞嚴法界無塵波圓蒲默坐頭常科金身夢現光
不磨法輪旋轉如飛梭我來擬作白社過忽忽半載空蹉
跎題詩可柰離愁何

舟中簡忍菴卽次贈行詩韻

叔夜休論不堪七會奏朱絃清廟瑟如君意氣籥雲驥顧
我荒寒吟露蟀男兒建豎須盛年世不稱名古所疾捧檄
應知慰母情讀書還念致君術春華炫耀何足云貴在寒
林落其實長途行李戒深秋九月之交月初吉樓頭有約
賦登高行卷重教編甲乙我歸敝廬早冀除相期繫棹重
陽日

木芙蓉二首戲效玉谿生體

吳會英才集卷八

三

笑靨輕紅暈晚潮故知遲暮尙含嬌華容洛水珠空獻幽
怨湘靈瑟未調霞護碧城仙珮杳月明羅帳蕊香消采來
欲寄知何處瘦影臨風悵望遙

秋江幾度賦褰裳洄溯相從自一方鏡影晨開清有淚粉
痕夜斂淡無光幽姿難免蛾眉妬貞性寧隨蝶翅狂生怕
清霜漸零落盈盈隔浦斷人腸

九月杪將北行同人餞飲於晚晴齋聯句

倦歸息擔簦人事輒壺擾良會日無多理衰復秋杪復王

郎久衣褐關津急征鳥鬱鬱壯歲懷扶搖望雲表

祝嘉詞

塲湖前輩雛鳳清聲紹舊業守青箱珍材挺孤篠

蔣元龍我

昨遊金臺文苑窺宵窳冠蓋萃羣英魁台耀葩瑤

汪葵上

林體麗則原草句驚矯遇合會有時勿歎知音少

王尚繩十

年識豫章千里駕腰裏直欲鉛槧借祗恐侏儒飽

汪大紳豈

曰玉美燕而思瑟倚趙謀生免家食弔古足登眺

汪如朝朝

來涼風適持袂形神悄騷落葉聲役役飛鴻爪

復薦達

有蕭朱論交見管鮑飄零竹林社惜別意難了

嘉

於此且

留連騰觚酌清醪披絲肥噉邨斫雪健松柳

元龍

砌擷菊枝

殘窗鳴雨點小相勸添盃壺劇談判參易

鑒

爛醉今夕歡

離愁明日攪抽帆江楓欹並轡驛堠遠

尚繩

衝寒入國門毋

使鄉信杳紙閣鱸夜紅天街雪晴皎

大紳

觀面先後期蹇驢

柳春曉書屋借城南鵠袍試京兆

如洋

同葉玉存孝廉雨中渡江晚宿江口小閣同賦

吳會英才集卷八

四

瓜步乘潮片帆挂細雨作寒晝陰晦荒蘆吹雪雁頻驚高
浪掀山狔尙拜津頭打鼓驛吏迎大舸峩峩盛冠蓋書生
賦命本窮薄輕涉波濤復何愛中流一葉任簸翻且自狂
歌同擊汰須臾到岸定驚魂拾級登臨攬奇槩巍然高閣
洞八窗兩點金焦羃烟靄凭欄髣髴憶前遊風雪歸裘此
同載去來彈指事皆非惟有江山留現在人生對面未爲
真何況回頭兩年外東逝滔滔去不回浪遊落拓真無賴
夜聲嗚咽助悲懷燭淚飄殘坐空對

玉存賦長句贈行次韻留別兼呈楊西禾

同雲四野雪意生津頭衰柳寒烟橫故人戀戀未忍別黯
然攜手難爲情長安遠望三千里回首關隔江水日臨

褰裳共溯洄沙渺相思亂荒葦寓齋近接巷西東壚頭取
醉招揚雄寒窗促坐語淒楚地爐榾柮深宵紅感君意氣
勤相訪乞米同憐困塵鞅燕趙冰霜我北征殺函風雨君
西上玉存將隆冬澤腹堅不波客裡誰歌毋渡河穎士才

萬松頂猶記高樓大道旁烟雲變幻隨蛟蜃去冬客揚寓居學舍小樓

玉存時過晤談何日雙眉得暫開悲歌且上燕昭臺男兒三十不

得志一身飄泊同飛埃臨岐百感紛今昨香土還期來歲
約酒人擊筑和荆卿樂莫重逢故交樂玉存訂來

家述菴先生屬題三泖漁莊圖四首

一鏡碧搖檻外千螺翠湧窗前山水東南甲秀波雲下上

澄鮮

別墅謝公絲竹小園庾信江關何似筆牀茶竈天隨子共
往還

久別田廬無恙繫情邱壑難忘靜對生綃幾幅蒹葭秋色
蒼蒼

事業富韓一代文章燕許千秋空憶烟波清興閒眠讓與
沙鷗

述菴先生招集經訓堂送徐尙之赴鹽山聯句六十四韻

合哉意未厭清浦分襟手先抗高齋劇清虛清浦徐詞客

盡凋蕙谷空懷駒維仁和吳塗遠感驪唱聚散風搏沙秀

汪大去來塵榻塊契綠耦居殷復情用小別愴令序際秋

高鳥程張形晴曦轉春盎露華綴金莖無錫楊揆霞彩豁蓬閣涎涎

馭辭燎武進徐書受淒淒蚤語冀荷衰香未消荆章折霰徐颺

景物逼蕭森荆河山攬悲壯黃騰潞水波光碧剗雁門嶂

齋入旱涂泥經涼深絕炎炕選勝景彌佳復追歡神頗王

叢談剪韓檠形促坐列歐觚臭味逾蘭揆言溫挾同續

矧余本愚蠢書入世豈冗長秀是江東推荆美非城北讓

舊家鐵甕鄰荆新製玉臺脫慘綠雖少年光中黃等飛將

一噴真一醒經十决還十盪摩霄鵬擘雲復橫海鯨跋浪

門庭得真傳形臺閣官依樣賦酬西都賓揆碑考北海相

問字喜春容書說經嘉礪仇文思聿湛深荆志性乃慈諒

棲鴿類乾邑荆食慕似張暢獨行眾所推光浮榮視猶儻

會看筮吉征經寧復軫剝放應起曲江名復遂侍含元仗

今春辭蘭陵形上計過督亢始至賃臯廡揆繼遷依釋藏

時寓承樂禪院畸士偕許渾山書受經師服戴望謂戲步趨蛩後

先荆康和禽頡頏名流爭攬環坡上客互投狀論心恨已

遲光識面慨非妄譚藝抉其精經道古敦所尙相期彼岸

登復庶幾我軍張茲違鄴下遊形聊作剡溪訪詎憂邁靡

靡揆終覺思養養咄嗟煩官廚書忽卒辦祖帳劔童飭招

邀荆寵婢競摒擋瓊浮雀舌茶坡壘撥松花釀蟹熟毫以

薑光豚蒸需用醬壘殖發宿儲經餅餠詫新剗銜盃笑正

酣復投箸神忽往襍被幸同攜時與魯思春糧誰見餉

媿書百函揆穀棘車一輛杳杳雁銜蘆書勞勞獸走墻游

目乍依依詞回首愈懷恨青垂梨半林坡紅綻棗一柝縣

僻夷邨墟光邑巖置亭障童山屹有棱大鹵井寒無漲旅

程頓羸驂復甥館卸輕裘哦松訴合離形咏絮迭酬倡尙

外舅為鹽山尉其內子工詩佩萸席上分揆鈴菊籬邊傍時未怨蹉跎

書趣方適閒曠鹿鳴芳訊傳詞鯉躍層津上一舉快先登

受三捷驚鞏行土拭出龍泉光葉穿開虎韞銀勝著聲華

坡大月燈展諧鬯還過白楮坊復再躡黑窯廠須傾榼三升

形重着屐幾緗刻羽佇郢謳揆斲輪待齊匠摠衣復升堂

書受母畏俗人謗詞

重陽後四日述菴先生招同朱笥河翁覃溪程魚門三先

生暨趙少鈍陳竹厂徐蒼林黃仲則張萼樓諸君集經

訓堂送錢獻之赴西安分體得五言排律二十韻

翫葉紛辭樹相攜正黯然驪駒方在路萸菊復開筵榮豈

浮名慕才應大雅憐虛堂頻會合崎士半迤邐繾綣情何

重艱難道自全幾年遲握手匝月鎮隨肩識字推揚子通

經擬服虔官商精辨審輪軾細參研時以新刊詩音表及車制考見示言

洽蘭同臭交真石比堅涼亭時挈榼禪榻屢分牋題字羊

裙濕尋幽謝屐穿暢懷當暑月彈指逼霜天壯志囊中鐵

離音滕上絃荒榛搜古碣疎柳縮吟鞭旅食勤加飯征衣

重著縣高原秋色迴遠塞驛程連圖就關重入獻之有入關圖書

成市可懸南州留舊榻東閣重時賢別語今宵永遐音異

日傳臨岐回首處淒絕各風烟時予亦將南歸

送邵二雲編修入都

論交半載飲芳醇祖帳新圖越水濱海內才名唐制誥膠
西經術董天人扁舟安穩圖書重長路寒暄眷屬親到及
六街春色早編摩黎火夜重陳

戚曉塘學使招集湖上萬峰樓卽席賦詩見贈次荅二首
燕郊奉使幾經秋萬里歸裝杞梓收風月西湖欣握手文
章東野合低頭奩光輕拂香羅袖黛影遙凝碧玉甌素藕
當筵清似雪柔絲婀娜最縈愁

清和時節麥登秋細葛含風爽氣收絃索新聲空引恨鶯
花舊夢剩回頭幾彎眉翠遮烟樹一片簾波漾酒甌正是
奈何頻喚處遠山千疊暮雲愁

吳會英才集卷八

同榜亭先生羅兩峰楊西禾張夢樓集法源寺余少雲寓

齋分韻得過字

禪林秋色老聯襪一經過羈客易生感酒人聊和歌散花

虛室靜落葉小庭多欲續銷寒約離情可奈何

時將出都

兩峰畫梅見贈詩以奉酬用東坡李公擇梅花詩韻卽送

其還揚州

北地寒色早林木淒颯動先生坐旅窗筆硯自吟弄腕底

回春風繁枝破荒凍香雪燦滿林悞引蜂蝶闕昨朝尺幅

貽隔巷走嫌從展挂玉了又我懷忽孤縱先子交君師

兩峰

爲金壽門先生高弟壽門與先大夫交甚契每歲寫梅寄贈

投契如伯仲年年驛使來

遠道幽情貢每富縑素開勝比琳琅重茅堂氣和盃窺檐

烏頻嘆時予髮甫束側立侍清諷迄今幸弄藏感徃餘嗟
痛茲復得此圖好似割垣雍遂訂冰雪期稍醒塵土夢修
到定幾生明月閒鋤種師承有淵源落筆自超羣出藍千
載真浮白一宵共君還羽騎雀我愧雛稱鳳竹西千百株
春到舊巖洞他時訪故人更撥香泥甕蘇谷題鳳竹首
將出都集萼樓寓齋分韻蘇谷題鳳竹首
敝裘難免朔風欺又值燕臺歲暮時憂患豈真緣識字飄
零未易得歸期塵沙眯眼嗟長路冰雪關心重故知且共
一尊團絮語寒雞催曉卽天涯蘇谷題鳳竹首
正月八日曹種梅招同朱梓廬小飲同用東坡送曹子方

韻

吳昌英才集卷八

九

幽居傍水曲凍解搖晴瀾竹林倚翠袖梅影欹黃冠齋中

盛近著帙益富新書墨未乾足音喜空谷言泉瀉流灘吟

情未嫌苦春味方宜酸嘉魚薦丙穴生菜登辛盤我久困

勞悴君毋歎懷安境閒心自適宵短夢易闌志在業千秋

情豈榮一官擬尋山水勝寧辭道路難梓廬種梅約遊天台相期棄

蝸角長往持漁竿磯頭舊鷗鷺斯盟應不寒

上元前一日同人小飲觀金壽門畫梅燈各賦燈詞五首

踏歌聲裡閱華年小院張燈遲月圓解事東風助高興早

催春色到筵前蘇谷題鳳竹首

薄剪冰綃面面籠橫斜疎影燭搖紅笑伊鐵石心腸在俯

視繁華也熱中蘇谷題鳳竹首

粉痕勻染墨痕纖妙筆吳王一手兼老去詩人猶冷習唇

脂紅暈借香奩自跋云元章畫梅多以水墨空鈎惟吳融塗粉爲之又紅梅一幅題云用玉樓入口

此脂寫

冰雪交情寫歲寒趨庭猶記共團圓十年喚醒春華夢蠟

炬灰時淚未乾燈係庚辰冬晝贈先大夫者

酒邊拂拂暖香吹簾外沉沉清漏遲良夜不須金綺買更

邀三五對芳卮梓廬約明日再集

上元日梓廬招集牆下小軒適春雨師攜觀姜西溟先生

手書上元讌集詩長卷卽席同用卷中韻

試燈動簫鼓比戶春聲酣吉祥止幽室清冷面寒潭低垣

繚青粉細篠抽碧簪閉關謝馳逐潔膳具旨甘暇踐雞黍

吳會英才集卷八

十

約快聚江湖談君乍繫歸艇我方解羸驂聊持竹葉盞共

結梅花龕雲山旅愁豁筍韭鄉味諳但足資陶寫無事侈

燔燻長卷出懷袖名筆恣玩耽書香益視北墨彩融窗南

比刺磨滅一卷中字噴間有一二模糊展軸摩挲三字辨蛇蚓繞句妙

琳琅探前賢洵足慕後來期無慙新著日盈几梓廬近著牆下小軒

筆舊釀春浮壘投轄情繾綣欲帽鬢鬢辭官效彭澤奉

母同劉惔竹筍林下倚板輿花前捋列架供祭獮臨池撫

噉蚶右軍有敬蚶帖樂具三已足憂忘七不堪九峰啟絳幄梓廬今歲

掌教九敬蚶帖百城擁琅函歸遺陸懷橘出遊戴攜柑清聲繼繼

鳳妙緒抽仙蠶良宵且勿負深盃莫辭貪開簾對月白學

牋寫雲藍後遊倘能續未惜家無麩

牆下小軒題壁三首

小築三間屋幽居春事宜林深知鳥樂牆短愛梅欹地占
金陀里禪參玉版師軒後新栽竹經營真不易誰寄草堂貴

日涉聊成趣情懷與俗疏課僮芟徑草留客剪園蔬靜卷
彈碁局閒繙種樹書預期銷夏好一枕北窗虛

小園應有賦陋室豈無銘游筆初成卷清吟自掩扃風流
重讀盡梓廬嘗出觀其先世放崔洲圖家世本傳經我似侯芭侶頻過問

字亭

家惺齋叔招集碧漪坊新居觀長毋相忘漢瓦頭拓文各
賦長句

道南新構十笏寬竹林雅集借追歡積陰乍豁氣芳暖晴

吳會英才集卷八

十一

雲一片低壓欄風流回首企前哲牆陰卷石猶嶮岼宅向為譚

氏猶石居竹垞先生曾讀書於此見曝書亭集提壺忽聞幽鳥喚食單俊味羅盤

餐酒邊出示漢宮瓦硬黃新拓來長安古文四字辨科斗

花聯蔓絡中央攢似裂冰紋細繚繞疑展鏡影長圍鬪當

時金屋貯嬌麗應恐捐棄同齊紈重檐一任霜華冷中道

毋使芳盟寒長門零落已千載鴛鴦飄墮形成單香姜銅

雀不可見此如素壁堅獨完舍人張瘦摩挲製為硯墨融

清露零溥溥沈郎靴手摹凡幾本分贈奚啻青琅玕相期

久要視此意當筵題句爭傳觀詩成如令阿買寫八分未

學慙毫端

和友人移居詩原韻二首

家具移來幾束書，翛然真覺愛吾廬。定教快意屠門肉，且免長歌客舍魚。添種花枝依逕曲，量栽蕉葉補窗虛。簾圍小院，惜惜靜一榻熏風，午夢初。

襤襪紅塵不自由，何如閉戶獨耽幽。談借舊雨清，忘暑閱到浮雲薄。似秋淺碧新，斃烹玉茗硬黃佳。帖寫銀鈞團，樂從此思鄉緩，不用頻登王粲樓。

喜莊然乙錢東湖魯思至杭同客錢竹初明府寓齋次然

乙韻

參差雁影碧天來，笑口風前幾度開。一卷清吟梅嶺屐，然自嶺南歸自號梅屐山人。三年重話竹林杯，湖山遊興時方劇。南北離心莫漫催，然乙將入都東湖魯思將往閩且共平原留十日，天涯難得有

吳會英才集卷八

十三

憐才

九日竹初招同吳山登高返飲寓齋卽席次韻

秋陰巒氣重，濃翠欲潑衣。客居際令序，招要興先飛。朝雨

灑如沐，西風颯已淒。偕行屏軒蓋，拾級勇登躋。茗香出短

榭，屐印遍荒蹊。冷楓霜未點，殘桂露乍晞。有美訪遺蹟，風

雅前賢齊。緬昔盛文藻，堂開攬清暉。今茲展嘉會，勝日隨

娛嬉。泠泠發高唱，清絕塵氛離。文翁濡化遠，崔曼亭太守馬卿

倦遊歸。然乙新自嶺南歸出處跡雖判，著述心同期。花飴綴節物

籬菊靄夕霏，明燈拚盡醉。毋動鄉園思。

陪述菴先生中峰訪念亭上人次韻賦贈

通幽曲徑遠，凡塵若盪蕭。閒竹下疎一室，旃檀香正午。千

叢丹碧豔於春吟來詩句清呈佛

得句先呈佛后山句

老去容顏瘦

有神好待鄧林霏玉雪舊情相約更重申

先生與上人鄧尉探梅之約

臘月十九東坡生日弇山夫子招集終南仙館作

終南山接睂山長峨峨百丈摩青蒼相傳誕降紗縠日設

筵再拜棟清觴維公篤生洵非偶奎宿下墮熊光賦命

無何比韓子掄才先已傾歐陽巍科掇取早從政福昌轉

徙來鳳翔送江入海宦遊遠東南領郡徐黃杭詎知遷謫

瘴烟窟瓊儋萬里投遐荒胸懷浩落行自得運遇顛困名

益昌垂老北還度嶺表無田未易歸故鄉毘陵城下吟筆

絕身騎箕尾排天閭空令百代起遐慕雄文奕奕垂星芒

河間夫子媿前美經術經濟兼詞章大賢吉暉照海寓距

七百載相頡頏當時未得竟施展心存忠愛徒彷徨豈如

吳會英才集卷八

三

清時鎮河嶽遭逢一德歌明良嘉平之月月十九聚星良

會開吟堂仙靈驟鸞應下莅薦以芹藻羞馨香大雅提唱

眾賓和長篇一一璆琳瑯玉笛數美韻清激雪衣競放風

飄颻

東坡守杭每遇生日放鴿爲公壽

年年此會永無替神具醉止樂

未央

春夜讀黃仲則遺稿題後

展卷模糊淚點斑吟魂夜月欲招還嘔心妙句千秋少俯

首浮榮一第慳才鬼可能容地下狂名空復在人間蕪城

花月燕山雪回憶同遊慘昔顏

青門柳枝詞四首次韻

柔絲搖漾曲江春
裁剪東風萬樹新
盡日和烟眠復起
依稀猶似漢宮人

麴塵繚繞水凝藍
灞岸休聽玉笛三
最愛曉風殘月句
朝來傳唱渭城南

旗亭折贈別情難
鶉鴉聲聲喚未殘
正是漫天飛絮起
盡樓吟罷捲簾看

征人遠道未成歸
夢裡應憐汁染衣
遙憶蘇臺千萬縷
碧陰時襯落花飛

寒食日雨中吳竹嶼
先生招同錢獻之洪
稗存孫淵如集
杏花春雨山房看
花同用昌黎寒食日出遊韻

吳會英才集卷八

十四

黜檐端濕雲映野
外閒情拾翠偕城南
嘉約搖鞭競絳幃
高捲賞穠華藥鼎
微溫伴清詠

先生方病起

含風翠篠弱欲扶

帶雨紅妝歎不正
及時良會安可多
過隙韶光豈能更
先生早自遂初服
廿載名山天所命
白公舊賦紫薇詩
杜老

新歌白木柄雲霄
故人遠見招河汾
弟子交相慶冷節
纔逢插柳新殊鄉
仍展維桑敬

在座俱江南人

座中錢孫話昔遊
芳

草天涯阻遙負二分
月影到蕪城千頃
波光泛明聖

丁酉同淵

如客場巳亥頻年遠道各羈孤
幾月官齋歡合併
爭看好古發幽情
亦或耽吟同僻性
向晚廉纖響漸稠
籠籠陰綽約枝交橫
屋角頻聽鳩婦呼
籬根暗想龍孫逆
良宵拚共倒

深卮陋質真慙對
清鏡沉沉漏箭早
催歸旣醉還期緩
鱗

政六街燈火照初更料峭穿衣寒尙勁佇教來日快新晴
還擬尋芳趁佳令

吳會英才集卷八

高捲寶璫... 帶雨紅妝... 生早自遠初服... 新歌白本... 蓬插柳... 草天... 如... 古... 致... 興...

